

0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24

deli
浙字02260122号 No.6230
得力集团有限公司



437
8308/11







11988





投筆集卷下

虞山蒙叟錢謙益著

後秋興之八 庚子陽月初一拂水拜墓作

短棹輕蓑黃葉林
天涯戰戟自森森
朝陽已躍南離日
晝靄猶停北陸陰
笛裏關山牽昔夢
燈前兒女負初心
遐方巡守無消息
樹樹啼烏夜夜碁

秋風撼撼帽簷斜
野老籬前數物華
青鏡百年



雙白鬢黃河千里一孤槎挽回兵氣霜前雁吹
動雄心日暮笳有客逕過論漢史西京曾記上
林花

故國冥濛秋日暉渚宮行殿遠霏微巡回每歎
林鳥宿促數頻看在燕斜飛戰決蟻封多勝負
卜占雞骨少從違頻年射獵無朋侶贏得高原
雉兔肥

撼戶秋聲剝啄棋驚心局內轉傷悲每於典籍

論終古只道乾坤似昔時已破關河惆悵在未
招魂魄却迴遲長明燈上諸天近時有空音答
仰思

滄江茅屋舊家山身與秋容共數間三卷陰符
留麥飯一丸函谷掩柴關黃沙馬草羞垂淚白
首鷹揚笑駐顏夢到紅雲深殿裏玉皇新點侍
宸班

溝水流離似隴頭疏籬斷約不禁秋關心風月

釣牽恨開眼江山挾帶愁龍門捎天悲穴鼠鳶
飛跼水羨眠鷗茫茫禹跡無憑準自剔殘燈畫

九州

配天列聖萬年功弓劍衣冠覆載中赤羽九羽
齊奉日白翎一鳥亦呼風金山御氣千年紫銀
海神燈乙夜紅看盡諾臯應拊手官家終古屬
劉翁自註西陽諾臯記天翁姓張名堅漁陽人

蜀志張溫問秦宓曰天有姓乎宓曰劉溫日何

以知之寔曰其子姓劉故知之

江村隈隩水逶迤白首長吟漢美陂籠鳥疏窗
溫漢語林鳥密葉揀南枝狐驚篝火嗚呼數犬
直傳更戍守移莫笑牧兒思曲盡夢闌腰帶有
魚垂

後秋興之九 庚子十月望日

桂樹參差覆羽林天容玉冊自森森甘淵定有
長生日冥谷終無不散陰命將出車小雅頌磨

厓刻石老臣心元和盛事看圖畫鹵簿前頭夾
斧礎

規外星辰落落斜參旗井鉞建高華
通雲漢遼水東迴接海槎嘯月嶺猿催畫角嘶
風胡馬咽悲笳吳儂莫向天南笑鐵樹頻年已
放花自註吳人笑事難成者云鐵樹開不知南
中實有之

開元三葉正流暉桂舍胡封應紫微追急稻蛙

鳩杖指寢甘榕殿鳥工飛五株當復神咸許十
世將興帝不違日角共傳如烈祖遐方遙喜御
容肥

三陳凋殘御製棋自註宋太宗御製棋譜三陳

三勢皆有深旨祖宗睠顧不勝悲可知仙杖巡

游日還是鈞天謁請時八樹分茅朱噶永六龍
擁駕赤鳥遲殊方未及櫻桃薦寢廟應深白露

思

微外行宮隔萬山朱光只在兩河間可令宋派
龜魚種却踞中原虎豹闕槃木自來歌漢德哀
牢先許識天顏於今垣市無推布雲漢遙占鶉

首班

發兵每歎白人頭况復艱危歷九秋比景即看
成內地瀾滄能免為他愁衣冠未許羣羌燹國
土終難寄海鷗歎息祖宗規畫遠西南容易弃

麟閣今誰第一功
康侯三錫在師中
洗兵已驗軍前雨
仗鉞先占夢裏風
劍負斗文芒氣白
香蟠心字篆煙紅
元漿匏脯相俛切
扶杖應憐未死翁
自註豫州父老歌祖逖云元酒忘勞甘匏脯何以慰思歌且舞

舊京城闕勢逶迤
元武湖清皇子陂
玉燕龍宮將數子
金燈雁塔涌千枝
移星御幄垣墻列
日按行營次舍移
種柳合圍同望幸
殘條秃髻總

交垂

後秋興之十

辛丑二月初四日夜
宴述古堂酒罷而作

光風忽漫轉寒林
歲旅重光氣蔚森
八極地標銅柱界
四游天覆鐵橋陰
閔河夜採還宮曲
花鳥春回望帝心
長白一山仍漢塞
州年松漠怨

秋礎

閣道心移鷓尾斜
朔南寰宇仰重華
星弧日矢天王陳
鳳蓋龍舟帝子槎
遼海月明傳漢箭
榆

關秋老斷胡笳而今建女無顏色奮盡燕支插

柰花

碧天朗朗見餘暉自註武肅王還鄉歌碧天朗

朗兮愛日暉

把酒前除酌大微梁燕睡翻新曲

語林烏棲趁忽雙飛津河絡角蓬心遠牛斗光

芒字氣違自註歌云牛斗無字人無欺却笑帝

昴成例載髑髏生草不能肥

毳帳喧呼夜賭棋朝來勞面枕尸悲那知霧塞

颺回候乍見天開地裂時
草外流人歡服匿御
前和尚泣軍遲銜湏引頸
多元老哭到窮廬罷
論思

雲臺高築點蒼山異姓勛名李郭間
整束交南
新象馬恢張遼左舊河關
蓬蒿舍趨行在布
帛衣冠仰帝顏
鄭壁許田須努力莫令他日後

周班

辯髮胡姬學裹頭
朝歌夜獵不知秋
可憐青冢

孤魂恨也是幽蘭一燼愁銜尾北來真似鼠梳
翎東去不如鷗而今好擊中流楫已有先聲達

豫州

旄頭摧滅豈人功太白星占應月中掃蕩沉暉
元夕火吹殘朔氣早春風揭空鏡鼓催花白攬
海魚龍避酒紅從此撐犁辭別號也應飛鱗賀
天翁

營巢抱繭歎逶迤憑杖春風到射陂日吉早時

論北伐月明今夕穩南枝鞍因足弱攀緣上檝
 為頭風指顧移傳語故人開口笑莫因晚晚歎
 西垂

後秋興之十一

辛丑歲逼除作時自紅豆
 村庄徙居半野堂絳雲餘

燼處

當風一葉戰曾林撫几孤懷抱鬱森屋老空亭
 籠壁響窗疏隙紙劃燈陰雞豚麥飯荒江淚粃
 妝椒盤故舊心噩夢驚回成獨語誰於寒夜擣

孤碁

分野條分界劃斜數行朱麥攬中華小樓騁望
巢車陳故紙橫穿鑿空槎醉唱鏡歌當代鼓間
拈蘆管壓吹笳竹窗永夜猶焚誦燈火青焚禮

白花

冬日荒涼淡夕暉晨光猶喜報熹微潛虬自護
滄江卧退鷁仍依故國飛捫舌齒牙驚互搯扶
頭腰領恐相違隻雞近局關心處却羨僧園菜

把肥

廿載光陰四度棋流傳斷句和人悲冰凋木介
侵分候霜戛風箏決戰時觚竹懸車多次舍皋
蘭輕騎尚逶迤燈前歷歷殘棋在全局悠然正
可思

少日囊書坐白山輕狂自喜試兵間殘棋樓櫓
思橫海卧馬城闈說散關汗竹紆餘淹素髮寒
松孤直伴蒼顏白顛未了書生債苛夢長隨漆

管班

年年楚尾望吳頭
四序平分總是秋
赤羽黃塵猶未盡
青陽白髮不須愁
漏穿地脉餘羣鼠
抵柱天吳仗一鷗
接戶軍遲多老衲
憑將若箇問
添州

開天牛斗首神功
分布星辰手掌中
八駿未迴西極雪
六龍仍扈大江風
南條日駕龜鼉紫
北落星摧魚眼紅
數卷殘書遺石室
黎眉翁與鐵

冠翁

流年老年付逶迤取次春生僕射陂才子朱絃
歌絳雪佳人錦字問瓊枝一龕燈永魚聲靜三
疊琴繁鶴舞移莫為牛衣頻歡息與君容易鬢
絲垂

後秋興之十二

壬寅三月一十三日以
後大臨無時啜泣而作

滂沱老淚灑空林誰扣滄浪訴鬱森總向沈灰
論早曉空餘墨穴算晴陰皇天那有重開眼上

帝初無悔亂心何限朔南新舊鬼九疑山下哭

霜碓

焦中昏黑豆田斜猶望隱憂啟帝爭句町路窮
難渡馬蜻令川斷不通槎關山月暗三年笛草
木風腥四面笳庭際石榴紅綻血可憐猶是日

南花

凌晨野哭抵斜暉雨怨雲愁老淚微有地只因
聞浪吼無天那得見霜飛廿年新膽心猶在三

局楸枰算已違完卯破巢何限恨銜泥梁燕正
爭肥

百神猶臺帝臺棋敗局真成萬古悲身許沙場
橫草日夢趨行殿執鞭時忍看未運三辰促苦
恨孤臣一死遲惆悵杜鵑非越鳥南枝無復舊
君思

橘中何地有商山隻影孤拳蓋載間十日焚天
人少種九幽持地鬼為關詰盤周詰封京觀雕

琢韓碑頌伯顏歡息申昏重趼後報吳遺策尚

班班

飛走都窮瘴海頭而今人說國亡狄食殘鬼母
方知苦酒醒天公亦解愁戎醜時來皆市虎英
雄運去總沙鷗老人生角君休謂八百終期啟

汧州

枕戈坐甲荷元功一柱孤擎渤海中整旅魚龍
森束伍誓師鵝鶴肅呼風三軍縞素天容白萬

騎朱顏海氣紅莫笑長江空半壁葦間還有刺

船翁

夸山填海莫逶迤復漢爭如丈尺陂故國樓桑
團羽蓋上林朴柳發條枝坐看河漢雲旗動笑
指漸臺斗柄移金粟堆前空翠裏金燈猶傍玉
衣垂

吟罷自題長句撥悶二首

壬寅三月二十九日

孤臣澤畔自行歌爛熳篇章費折磨似聽似俳

還似讖非狂非醉又非魔
嘔心自笑才華盡捫
腹其如倔彊何二祖歷宗恩
養士幾人吟咀淚
痕多

不成悲泣不成歌
破碎還如墨盾磨
判以餘生
供漫興欲將秃筆掃羣魔
途窮日暮聊為爾髮
短心長可奈何
賦罷無衣方卒哭
百篇號誦未
云多

後秋興之十三

自壬寅七月至癸卯五月
偽言繁興鼠憂泣血感慟

而作猶冀其
言之或誣也

地坼天崩桂樹林金枝玉葉痛蕭森衣冠雨集
支祈鎖閭闔風淒紂絕陰魂虜貫盈知有日鬼
神助虐果何心賊臣萬古無倫匹縷切揮刀候

斧碁

海角崖山一線斜從今也不屬中華更無魚腹
捐軀地况有龍涎泛海槎望斷關河非漢幟吹
殘日月是胡笳嫦娥老大無歸處獨倚銀輪哭

桂花

庸蜀經營付落暉官車消息轉依微空留丹穴
從三后無復遺言詔六飛馬角烏頭期已誤龍
姿虎步讖俱違逆臣送喜猖狂甚趣與然脂照
腹肥

自古英雄恥敗棋靴刀引決更何悲君臣鰲背
仍開日生死龍胡肯後時事去終嗟浮海誤身
亡猶歎渡河遲關張無命今猶昔籌筆空煩異

代思

夢迴猶傍五谿山
歷井捫參唾霧間
却指帝星臨楚分
如聞王氣滿吳關
地翻黑水纜申足
天轉青城始破顏
辛苦蒼梧舊留守
忠魂常領百僚班

麻衣如雪白盈頭
六月霜飛哭九秋
兩耳也隨風雨劫
半人偏抱古今愁
地間沮洳教魚鳥
天澗烟波養鷺鷗
誰上高臺張口笑
他為指點舊

皇州

踰沙越漠百王功二祖咸稜浩劫中高廟石龜
晴吐雨長陵鐵馬夜呼風南陵日駕千重紫北
伐霓旌萬隊紅葛壘綿綿周祚遠明神豈誑白

頭翁

蛟宮螭窟勢逶迤蹙浪排波似越陂荷鼓虛危
新氣象白茅青社舊孫枝磨刀雨過看兵洗船
趁風來想檝移昨夜江天聊舉首寒芒二八已

昭垂

癸卯中夏六日重題長句二首

漫漫長夜獨悲歌
孤憤填胸肯自磨
敵對灾星憑酒破
除愁壘仗詩魔
逢人每道君休矣
顧影還呼汝謂何
欲共老漁開口笑
商量何處水天多

百篇學杜擬商歌
墨瀋頻將清淚磨
世難相尋如鬼症
國恩未報是心魔
射潮霸主吾衰矣
觀

井仙人柰老何取次長謠向空濶江天雲物為
誰多

投筆集卷下 終



抄集

卷一

五













